

饒穎室詩鈔

閩錫山書齋



鍾嶸詩品

陶

淵

明

書

山西省文獻委員會編

山右叢書初編

趙戴文題



編校姓氏

山西省文獻委員會 總裁

閻錫山 百川

副總裁

趙戴文 次臨

徐永昌 次宸

常務委員

郭象升 允叔

馬駿 君圖

陳敬棠 芷莊

委員

賈景德 煜如

張友桐 曉琴

常贊春 子襄

狄樓海 觀滄

李鏡蓉 亮工

陳受中 乙和

邵修文 竹琴

陸近禮 恭齋

高時臻 福齋

李尙仁 綢卿

甯超武 子高

賈昭德 宜之

徐鴻寶 森玉

任晰 亮裁

常乃憲 燕生

趙正楷 法真

方聞 彦光

顧問
編纂

田九德 玉如

原士才 石民

總幹事 于萬河 霞裳

幹事 焦陽三 養三

范士元 周君

常乃純 价中

校對 武敘疇 洪九

陳秀彥 元生

郭長民 漢鼎

邢淵經 伯涵

劉受福 百之

鹽齋室詩草

山右叢書初編

雁門 馮嬭琳佩韞

夜坐偶成

戊辰

讀餘時寂坐庭樹穩棲鴉珠箔因風起階前月影斜

杏花

己巳

廿四番風換關心景物賒幽香迷野徑春意到山家雨蕊林間溼風枝竹外斜
折枝堪作供曉絢色紅霞

月夜思親

微風動簾幕皎月照中庭竟夜不成寐披衣且剔燈鄉關別離久昕夕念老親
膝下十餘載形影未曾分教誨殫親力寒煥勞親神一旦相睽違能不悵苦辛
椿蔭悲凋謝慈顏入夢頻嗟予鮮兄弟誰爲侍昏晨感此千里隔無語獨沾巾

劉夫人節孝詩

嚴霜凋百卉青松抱勁姿
賢哉劉節母貞孝乃如斯
烈風動地起吹折連理枝
黃鵠難比翼徘徊鳴聲悲
泉下誓相見忍死待須臾
仰視堂上親誰爲供甘旨
下顧襟中兒妾去將焉恃
念此柔腸斷代夫盡子職
饑寒不改色顚顚暗吞泣
迢迢長夜靜耿耿殘燈碧
丸熊佐宵讀柏舟懷冰清
詩書手澤在課子有遺經
劬勞廿餘載教誨成令名
芳名播彤史閭里爭光榮
伊余欽賢淑握管吟高風

偶感

閒雲散空碧淡月隱曲闌
微風天宇靜庭樹影團團
歸期頻年阻回首憶舊歡
迢迢關山隔悠悠悵路漫
離鄉隣七載知否勉加餐
徘徊望去雁遙盼尺書難

尺五天

有序

己巳清和十日夜夢至一處
層樓複閣金碧輝映樓上
下人來往甚多予登其巔
觀樓額尺五天三大字筆力
蒼古醒時歷歷如繪因成小
詩以記之

夢境分明繪目前逍遙一枕等游仙瓊樓玉宇紛無數喜我曾登尺五天

卽景

陰陰夏木晝初長獨倚闌干納晚涼補壁蜘蛛黏網密翻枝蛺蝶曬衣忙盆花
過雨香埋徑簷竹搖風影出牆領取吟懷兼畫意一鉤淡月上迴廊

雨餘卽事

一碧天如洗庭前景物清花含晨露潤竹憂晚風輕綠壁留蝸跡穿林悅鳥聲

深宮寅盼慰

昔宮中
方祈雨

占歲愜歡情

榴花

過雨探芳訊榴開久幾叢朱華宵挹露翠萼曉迎風何事霞裙妒居然錦幄同
携來安石種結實更玲瓏

月夜偶成

天宇纖雲淨微涼倦倚樓月移花影動風送笛聲悠點點蒼苔碧陰陰遠樹幽

塵懷消永夜得句豁吟眸

雨後觀荷

空庭過雨喜微涼翠蓋搖風送暗香一夜池邊添嫩綠亭亭玉映門新妝

初秋晚興和藉孺韻

雨過開新霽陰晴一日中池荷晨挹露牖竹夜敲風讀史偏多感閒吟愧未工
家山千里碧應有夢魂通暑退涼生早逢秋倍憶親挑燈溫舊課掩卷惜良辰
蛩語如知夜螢飛解避人疎桐偏應候搖落乍經旬秋至人先覺蟬鳴又夕曛
簾深遲得月樹密礙歸雲自羨家庭樂休爭竹帛勳靜中真趣在方寸息紛紜
抖峭西風起高吟快倚樓芙蓉渠臨水面薜荔過牆頭月落碁催曉霜寒雁報秋
蕭然塵事遠此意共綢繆

夜雨

溼雲送雨來開窗喜軒敞庭竹乍蕭疎風逐落葉響寒蛩繞砌吟似報秋氣爽

須臾片月升靜觀獲新賞

中元夜寄懷仲姊

颯颯西風動別愁離懷無那又經秋今宵一片團圓月半照并州半薊州

讀張氏女集題後

幼讀三百篇頗解比興理二南首關雎化自閨闔起內治德爲先至行在倫紀
吟詠寄性情雅音追正始溫柔與敦厚詩教本如此賢哉蘭陵張伯仲相濟美
趨庭傳家學篆籀別僞體一門富文章聯吟敲宮徵不數謝女才欲續班姬史
韻事足千秋巾幗能有幾展玩霏珠璣披誦芬頰予亦耽吟毫樗材非杞梓
勉學邯鄲步歌成慚下里無緣拜絳紗瓣香切仰止

憶母

翹首慈雲意渺茫傳箋何計慰高堂不因此日想思苦異地甯知歲月長

讀顧亭林先生全集

經明貴行修學古期平治聖賢有要圖淑身乃淑世末俗競浮華卿相惟倖致
欺人盜虛聲廉恥遂委地緬維顧先生絕學富經笥深識關禍福潛修淡名利
不義弓旌招獨行山林志濟世利病篇博物金石記日知究天人餘事辨音義
西游太華雲嘯傲煙霞寄至今二百載儒宗誰堪比衣冠野雲墓家伯子舊藏朱野雲處士
手摹先生遺像 幅 俎豆城南寺京師慈仁寺有顧先生祠幸讀先生書掩卷三致意私淑跋高踪瓣
香從此始

除夕感懷次韵呈藉龕

剪燭增離緒敲詩興不加春書迎節序歲酒送年華牖竹新舒籜盆梅早著花
慈雲穎悵望歸夢隔天涯

秋夜懷仲姊季妹

庚午

風來簾幕捲貪涼夜眠遲雨餘新月上坐看花影移四壁亂蛩吟不平欲訴誰
感此物候變流光迅駒馳羨彼林間鳥啞啞繞故枝嗟予雁行隔八載遠結褵

音書欣無阻難慰飢渴思夢寐偶携手猶似少年時迢迢雁門道茫茫涂水涯
伯也成永訣此牛無見期仲姊悲怨耦琴瑟久乖違弱妹方待字誰爲整嫁衣
況我堂上親筋力漸衰疲甘旨何人供形影爾相隨安得凌風翮頃刻至庭闈
探喉成怨曲愁懷祇自知

春日感懷

村居城市遠閉戶知音稀鳩燕報春深風絮入我幃芳草醒前夢桃李綴新枝
東風鼓太和萬卉爭光輝榮悴信自致造物本無私撫景惜華年傷哉遠別離
憶昔處閨闈趨庭習文詞上艾六七戴伯仲相追隨爲歡日未久迢遙賦于歸
慈闈悵遠隔鱗鴻慰相思人事多變更何日卜歸期無言轉悽惻零涕沾裳衣
送仲嫂之京都

半載欣重聚蘭閨誼獨親同爲行路客聊慰倚閨人柳折汾隄綠花看薊嶺新
臨歧無限意執手共沾巾

時予亦將歸甯

晚行遇雨

遠道征人怯崎嶇日易昏溪深多繞寺樹密自成林歸牧牛羊下投林鳥雀喧
涼風吹短袂暮雨倍消魂

雨後偶成示四妹

空庭初過雨暑退晚涼生淡月侵窗碧微風拂簾輕蟲吟籬豆細螢度砌花明
坐久渾忘倦簷頭參斗橫

秋夜寄許齋主人

細雨斜風葉滿林小樓憑眺獨蕭森愁懷此際憑誰語一夜思君海樣深
千里迢遙悵路漫聊憑雙鯉報平安西窗翦燭心先醉欲寫相思落筆難

月夜聞笛

小院西風冷疎窗月上遲一聲何處笛吹起故鄉思

秋分日憶許齋主人

落葉深三徑歸心嬾倚樓關河千里夢風雨一城秋欲寄相思字恐添遠道愁
黃花應比瘦曾否著輕裘

忻州留別四妹

惜別陽關怯曉風匆匆握手訴離衷柔腸欲斷難爲別盡在無言嗚咽中
長途迢迢一望賒霜林紅葉點征車重逢未卜他年事願愛芳年餐飯加

山行卽景

萬仞接青霄峰迴疑無路豁然兩岐分天光破煙霧溪深怯馬蹄小橋通前渡
古樹不知年根盤龍蛇怒紅葉駐秋色明滅殘霞護何來碓杵聲人家臨水住
茅屋半遮籬柴門眠浴鷺峯轉境更幽懸崖飛瀑布不隨平地波休爲出山誤
一塔寄嶺腰樵僧雲端度寺遠但聞鐘隱約林深處歸鳥背夕陽畫圖紛指顧
行行道苦賒窮峯日將暮

雪窗偶成

乍覺寒威重開窗玉屑霏雲濃雅陣亂風峭雁聲稀文字翻來謗詩書與俗違
故園翹首處魂夢隔庭闈

梅花

南枝數點淡妝成月色朦朧鶴夢醒畫閣宵深琴罷撫隔簾香霧不分明

水仙

僊骨珊瑚不染塵須從洛浦證前身霜寒洗盡鉛華態桃李東風漫效顰

咏梅

南國傳芳訊春光小院遲風來香自溢月過影頻移冷淡癯仙格橫斜處士詩
羅浮前夜夢翠羽認迷離

曉起卽事

曉日瞳矓映碧紗篆煙低裊一痕斜垂簾莫放東風入半怯春寒半護花

大雪和東坡尖叉二首同許齋

宵深不見月痕纖
閉戶寒威傍曉嚴
皎皎樓臺如積玉
紛紛庭院已堆鹽
梅添素萼花臨水
竹壓疏枝葉拂檐
卻憶京華吟侶在
笑呵凍筆鬥新尖
凍雲擁樹起棲雅
竟日門無俗客車
繞砌纒紛霏玉屑
敲窗細碎舞璚花
抽妍句好推梁苑
詠絮才高豔謝家
欲擬衝寒沽酒去
依稀莫辨路三叉

春日雨中偶吟

空濛細雨溼蒼苔
簇簇繁英次第開
蜂蝶似憐人寂寞
競銜花片入簾來

雨餘

雨霽閒雲淡欲流
清風習習挂簾鉤
迷離花影閒階墮
明月多情又上樓

初夏卽事

紫榆庭院晝偏長
四面窗開喜嫩涼
拂拂棟風侵硯匣
霏霏梅雨潤琴牀
蟲垂葉底貪清露
蝶抱花枝醉暗香
扃戶且欣塵事遠
兀然獨坐理繚緗

夜坐